



ЛЕНИНЭНЬ КИЯВА

ВЛКСМ-нь Мордовской обкомонтъ ды Саранск ошонь комитетэнтъ газетаст

1941 ие
А П Р Е Л Е Н Ъ
30-це чи
48 (1344) №

ЛИСИ: 11-це ие,
12 № ковс

1941 иень Маень васенце чинь лозунг

1. Шумбра улезэ Маень 1-це чись—робочей классонь революционной вийтнень боевой ванномась! Весе мастортнэнь пролетарийтне, пурнаводо вейс!

2. Классонь коряс братнэнь, капиталонь узниктнэнь, весе мирсэнть робочей классонть олякстомтоманзо кис бороциятнэнь—минек братской поздоровонок!

3. Кемекстасынек СССР-нь робочей классонть интернациональной связензэ капиталистической мастортнэнь робочей классонть марто! Седе сэрейстэ международной пролетарской солидарностень знамянтъ!

4. Шумбра улезэ Советской правительстванть внешней политиказо, народтнэнь ютксо мирэнь ды минек родинанть безопасностензэ обеспечениянь политикась!

5. Шумбра улезэ минек родной Якстере Армиясь—СССР-нь народтнэнь мирной трудост могучей оплотось, Великой Октябрьской социалистической революциянь завоеваниятнэнь верной стражось!

6. Советской Союзонь трудицят! Илядо стувтне капиталистической окружениядонть! Карматано апак лотксе кемекстамо минек Якстере Армиянтъ ды минек социалистической разведканть—ВЧК-нтъ!

7. Шумбра улезэ Советской Союзонь Военно-Морской флотось—советской морской границатнэнь надежной ванстыцясь!

8. Шумбра улезэ могучей советской авиациясь! Шумбрат улест советской летчиктне—минек родинань гордой соколтнэ!

9. Поздоровт мужественной ды бесстрашной боецтнэнь—пограничниктнэнь, социализмань масторонь зоркой часовойтнэнь!

10. Шумбра улезэ Советской Союзонь народтнэнь братской Союзось ды дружбась!

11. Промышленностень, транспортонь, торговлянть ды велень хозяйствань стахановецтнэнь, минек масторонь знатной ломатнэнь—большевистской поздоровт!

12. Добовасынек 1941 иень — колмоце пятилеткань нилеце иень хозяйственной планонть топавторманзо ды велькса топавторманзо.

13. Робочейть ды работницат, инженерть ды техникть! Бороцядо эрва цехсэ, эрва бригадасо, эрва станоксо ды эрва сменасо планонть эрва чистэ топавторманзо кис!

14. Робочейть ды работницат, инженерть ды техникть! Бороцядо производствасо культуранть кис, предприятиятнесэ ды транспортонть ваньксчинть ды порядоконть кис!

15. Робочейть ды работницат, инженерть ды техникть! Шаштодо икелев од техниканть, седе бойкасто осваивайте од машинатнэнь, материалтнэнь ды изделиятнэнь нолдамонть!

16. Черной ды цветной металлургиянь робочейть ды работницат, инженерть ды техникть! Бороцядо металлонь производстванть покшолгавторманзо кис, сонзэ качестванть кис!

17. Машиностроительной промышленностень робочейть ды работницат, инженерть ды техникть! Бороцядо мирсэнть сехте передовой машиностроениянь развитиянзо кис!

18. Оборонной промышленностень робочейть ды работницат, инженерть ды техникть! Кемекстадо минек родинанть оборон-

ной мощензэ! Вооружайте Якстере Армиянтъ ды Военно-Морской Флотонтъ сехте од техникасо!

19. Топливной ды энергетической промышленностинь робочейть ды работницат, инженерть ды техникть! Большевистской темпасо шаштодо икелев топливань добованть ды электроэнергиянь производстванть! Кемекстадо СССР-нь топливной ды энергетической базанть!

20. Химической промышленностинь работникть! Бороцядо минек масторонь мощной промышленностень созданиянзо кис.

21. Строитель ялгат! Бороцядо строямонь сроктнэнь капшавторманть кис, стройкатнэнь дешевалгавторманть ды сэрей качестванть кис!

22. Легкой ды текстильной промышленностинь робочейть ды работницат, инженерть ды техникть! Седе ламо ситца, шелк, сукна, трикотаж, обувь, одижа Советской масторонь граждантнэнь туртов! Бороцядо продукциянтъ сэрей качестванзо кис!

23. Чугункань кинь ды водной транспортонь робочейть ды работницат, инженерть ды техникть! Бороцядо перевозкатнэнь государственной планонть топавторманзо ды велькса топавторманзо кис! Вадрялгавтодо советской транспортонть роботанзо!

24. Прогульщиктнэнь каршо ды производствань дезорганизатортнэнь каршо бороцямось ашти минек родинанть ды сонзэ Якстере Армиянтъ мощест кемекстамонть кис бороцямокс. Шумбрат улест минек родинань предприятиятнесэ трудовой дисциплинась ды образцовой порядокось!

25. Весеме вийсэ келейгавтсынек местной промышленностень ды промысловой кооперациянтъ! Покшолгавтсынек местной сырьасто широкой потреблениянь товартнэнь нолдамонть!

26. Тейдяно мощной государственной трудовой резерват промышленностень ды транспортонть туртов!

27. Колхозной ды ошонь од ломать! Моледе Фабрично-Заводской Обучениянь школатнес, Ремесленной ды Железно-Дорожной училищатнес! Анокстадо улемс минек Родинань квалифицированной работникекс!

28. Колхозникть ды колхозницат! Бороцядо тунда видеманть образцовойстэ прядоманзо кис, сэрей урожайтнэнь кис ды общественной животноводстванть подъемонзо кис! Кемекстадо колхозтнэнь общественной хозяйстваст! Шумбра улезэ колхозтнэнь зажиточной ды культурной эрямось!

29. Советской учреждениянь служащейть! Бороцядо государственной дисциплинанть кемекстамонзо кис, Советской законтнэнь точнойстэ топавторманть кис!

30. Государственной ды кооперативной торговлянть работникть! Бороцядо советской потребителентъ сехте вадрясто обслуживаниянзо кис, ошсо ды велесэ культурной советской торговлянть кис!

31. СССР-нь народтнэнь социалистической культураст седе тов расцветанть кис, советской наукань, техникань, искусствань од успехтнэнь ды завоеваниятнэнь кис!

Седе вадрясто аравтомс трудицятнэнь ютксо агитационно-массовой роботанть

ВКП(б)-нь XVIII-це конференциясь, партиянь XVIII-це съезданть исторической решениятнэнь коряс теезь, аравтсь весе минек масторонть икелев пек покш задачат. Партконференциясь примась 1941 иентень хозяйственной план, кона ашти ламомиллионной советской народонть созидательной роботань грандиозной программас. Те документанть эрва цифрась пек вадрясто корты седе, кодамо покш забота проявляют партиясь ды правительствась минек социалистической масторонть процветаниянзо кис, сонзэ хозяйственной ды оборонной могуществанзо кемекстамонть кис.

Конференциясь вешсь решительнойстэ вадрялгавтомс минек промышленной предприятиянтень, чугункань кинь транспортонь ды весе учреждениянтень роботаст, вешсь аравтомс производствасо алуксонь порядок ды ваньксчи, бороцямс бескультурьянтъ ды эрва кодамо неорганизованностень, расхлябанностень каршо. Партиясь вешсь минек пельде, штобу эрва робочеесь ды служащесь, косо сон бу аволь робота, невтевель трудонтень социалистической отношениянь образецт, бойкасто ды вадрясто топавторволь сонензэ порученной тевенть.

Производственной дисциплинань коламось, неорганизованностесь ды расхлябанностесь, стьяко ёмавтозь робочей шкань эрва минутась кандить покш зыян социалистической строительствантень. Ловозь, што минек промышленностесь максь иезэнзэ ценность 184 миллиард целковой. Бути ловоме, што минек фабрикатне роботыть 2 сменас 300 чи иезэнзэ, то те составит 288 тыща минута. Значит, социалистической предприятиянтень роботамонь эрва минутась «ашти» малав 640 тыща целковой. Вейке минутась, аняк вейке минутась, кона ёмавтозь стьяко, суткань перть, канды зыян иезэнзэ 190 миллион целковой лангс.

Трудовой дисциплинанть седе тов кемекстамосонзо, предприятиятнесэ ды учреждениятнесэ образцовой порядоконть аравтомасонть пек покш-ролест комсомолетнэнь.

Парсте кармить топавтормост неть требованиянтень аняк сеть комсомольской организациятне, конат образцовойстэ аравтсызь трудицятнэнь ютксо, од ломатнэнь ютксо агитационно-массовой роботанть. Эрва комсомолецэс должен улемс партконференциянь решениятнэнь страстной пропагандистэкс, сынст эрямос ютавтормаст кис апак сизе бороцицясь.

Минек республикань аволь аламо комсомольской организациянт вадрясто чарькодизь трудицятнэнь ютксо агитационно-массовой роботань ветямонть значениянзо, комсомолетнэ свал кандить келей массатнес большевистской правдань валтнэнь, толковать робочейтнэнь ды колхозниктнэнь партиянь ды правительствань решениятнэнь. Парсте роботыть Б.-Березниковской райононь Косогор велень ды Краснослободской райононь Синяковской агитколлективтне. Тесэ комсомолетнэ-агитатортнэ свал ютавторнить колхозниктнэнь ютксо интересной беседат, докладт, ловныть газетат. Эсест агитационно-массовой роботанть комсомолетнэ кеместэ сюлмить колхозонть практической задачатнэнь марто, беседатнэнь ютавтормостэ парсте используют местной материалт.

1941 иень Маень васенце чинь лозунгт

(П Ф С Б)

32. Шумбра улезэ Советской Союзонь равноправной авась—минек масторонь государстванть управлениясо, хозяйственной ды культурной тевтнесэ управлениясонть активной участницась!

33. Ленинизмъ духсо профсоюзонь члентнень весе массанть воспитаниясь—советской профсоюзной организациятнень почетной долгост! Шумбрат улест советской профсоюзтнэ—коммунизмъ школась!

34. Келейгавтсынек минек асатыкстнень критиканть! Еще седеяк пек кемекстасынек минек государстванть мощензэ ды организованностензэ!

35. Шумбра улезэ комсомолось—большевистской партиянь верной помощникесь! Шумбрат улест советской од ломатне—минек родинанть будущностезэ!

36. Советской школань тонавтниця! Овладевайте наукасонть, анокстадо улемс Ленинэнь—Сталинэнь тевенть кис бороцицякс!

37. Эйкаштне—минек будущеенек. Воспитаем советской эйкаштнень минек родинань патриотокс, конат анокт седе тов ветьямс бороцямонть Ленинэнь—Сталинэнь тевенть кис!

38. Советской масторонь физкультурниктненень ды физкультурницатненень—минек пси поздоровонок!

39. Шумбра улезэ ды кемекстазо минек могучей родинась—Советской Социалистической Республикатнень Союзось!

40. Шумбра улезэ минек рабочей классось!

41. Шумбра улезэ минек колхозной крестьянствась!

42. Шумбра улезэ минек советской интеллигенциясь!

43. Шумбра улезэ большевиктнень Всесоюзной коммунистической партиясь—Советской Союзонь трудицятнень передовой отрядось!

44. Шумбра улезэ Коммунистической Интернационалось—трудицятнень победаст кис бороцямонть организаторось!

45. Шумбра улезэ Марксонь—Энгельсэнъ—Ленинэнь—Сталинэнь великой а изъявица знамься! Шумбра улезэ ленинизмась!

ВСЕСОЮЗНОЙ КОММУНИСТИЧЕСКОЙ (большевиктнень) ПАРТИЯНЬ ЦЕНТРАЛЬНОЙ КОМИТЕТЭСЬ.

Красный Узел

станциянь

комсомолецтнэнь роботаст

Всесоюзной партийной XVIII-це конференциянь решениятнень тонавтнемадонть мейле Красный Узел станциянь комсомолецтнэ седе пек кармасть вникать чугункань кинь транспортонь роботанть.

Вагоно-ремонтной пунктонь чумонзо кувалт эрва чистэ простаивали ламо вагонт, сезневкшили вагонтнэнь загрузкань графикесь. Комсомольской организациясь (комитетэнь секретаресь Сурин ялгась) лангс ливтинзэ графикенть сезнемань причинатнень. Тедэ аравтозель вопрос вагоно-ремонтной пунктонь комсомолецтнэнь собраниясо. Лангс ливтезель, што вагоно-ремонтной пунктонь рабочейтнень ютксо арась производственной дисциплина, арась социалистической соревнования. Нолдтильть беряньстэ витнезэ вагонт. Комсомолецтнэ ульнест мобилизовазэ сенень, штобу путоме пе весе асатыкстнэнь, аравтомс роботанть партийной XVIII-це конференциянь решениятнень коряс. Те вопросось толковазель рабочейтнень ды служащейтнень общей собраниясо.

Тедэ мейле роботась ламодо седе вадьялгась. Ды васняк комсомолецтнэ сынсь кармасть улеме примерекс трудовой дисциплинань ды производственной заданиятнень топавтнемадь коряс.

Икеле слесаренть Храмов ялганть бригадазо эрва чинь заданиятнень топавтниль 85—90 процентс, ней жо бригадась заданиятнень топавтниль 150—170 процентс. Комсомолецтнэ-токарь Никитин ялгась выработкань норматнень систематически топавтниль 550 процентс. Тень кувалт пек покшолгась сонзэ заработкаояк. Эрваковне сон получахны 1200—1300 целковой.

Комсомолецтнэнь инициативаст коряс келейстэ организовазель предмайской социалистической соревнованиясь весе рабочейтнень ды служащейтнень ютксо. Комсомолецтнэ ветьястэ ды ветить агитационно-массовой покш работа. Тень кувалт пек седе кассь трудонь производительностесь, ламолгась стахановецтнэ.

А. Пятунин,

ВЛКСМ-нь Ромодановской райкомонь секретарь.



СНИМКАСОНТЬ: Саранской центральной эйкашонь технической станциянь сех вадря авиамоделестэсь Миша Михеев теи чертёж.

Фотось Б. Козловонь.

Рая Уварова

Колмо иеде тедэ икеле «Социалистический путь» артеленъ правленияв совась од тейтерь ды састо мерсь:

— Работа вешняк...

— Месть тон маштат тейнеме?—кевкстизе председателесь.

— Стамо маштан.

Тейтеренть примизь стыцяк.

А месть сёпомс, беряньстэ васень шкастонть стиль Рая Уварова. То ставкстнэнь а истя тейсынзе, то ожатнень а видестэ стасынзе. Но сон кеместэ тонавтниль эсь тевензэ. Ванкшниль, кода роботыть лиятне, а виздиль сынтс кевкстемскак, вешемс пельдест лескс.

Алаомь-аламонь седе вадрясто кармасть молеме Раянь тевензэ. Ансяк эзь ойма Рая Уварова тень лангс. Сон бажиль роботамс весемеде вадрясто. Ды тень сон теизе сестэ, кода 1939

иестэ примизь комсомолс. Икелень неелематнень таркас весе кармасть сонзэ роботанзо шнамо. Ды ули мезень кис шнамскак!

Вана уш кавто иень перть Уварова комсомолкась чиде чис велькека топавтниль норманзо среднейстэ 150 процентс. Сонзэ роботасонзо овси арась брак.

Сех парсте Рая Уварова роботась сестэ, зардо сынсь анокстыльть оршампель ФЭО-нь школань ды ремесленной училищань тонавтницятнень.

Раянь ставт оршамопелесь свал ловови сехте вадрякс. Лиятнень коряс пек седе бойкасто стыяк Рая. Пек вечксы сон стамо машинанть. Эсь шкасто эйсэнь ваднекшни ды урядакшны. Парсте регулирует машинанть, внимательно ваны роботанзо мельга. Ардатов ош. И. Антонов.

Пропагандань ды агитациянь коряс комиссиятне

ВЛКСМ-нь Центральной Комитетэнь XI-це пленумонь решениятне штатной аппаратнэнь киртямо до ды активной общественной роботас комсомолецтнэнь таргамодо лездаст вадьялгавтомс весе комсомольской роботанть.

Пек кассь комсомольской активенть ответственностезэ комсомолсо ютавтовикс весе роботанть кис. Покш успехть агитационно-пропагандистской роботасонть тейстэ пропагандань ды агитациянь коряс комиссиятне.

Те комиссиясь должен эрва чистэ кирдеме живой связь комсомольской активенть марто, аравтомс контроль комсомолецтнэнь тонавтнемаст лангсо, максоме паро лескс ВЛКСМ-нь комитетнэнь пропагандань ды агитациянь тевсэнь. Вана неть самай основной вопростэ, конатнень коряс должен роботамс те комиссиясь.

Вадрясто чарькодизе эсь тевензэ ВЛКСМ-нь Инсарской райкомонь пропагандань ды агитациянь коряс комиссиясь. Сонзэ председателекс роботы педагогической училищань преподавателесь Тумольский ялгась. Комиссиясь совасть кемень политически грамотной комсомолецт. Примеркс, Шугаев ялгась, районной газетань литературной секретарь, кона прядызе ВКП(б)-нь историянь тонавтнемасть ды система-

тически роботы марксизмань-ленинизмъ классиктнень первоисточникест лангсо.

Эрва ковонтень комиссиясь тейни роботань план, кона ваннови эсензэ заседаниясо ды кемекстави ВЛКСМ-нь райкомсо. Плансонть сёрмадозь комиссиянь эрва члентнэнь обязанностензэ ковонь перть, заданиятне, конат максоме комсомольской организациятнень пропагандистской ды агитационной роботанть коряс. Плансонть истя жо тешкстави, зардо ды кодамо первичной комсомольской организациясо улить ютавтозэ лекцият, консультации, докладт ды теоретической собеседованият.

Ковозонзо весть или кавксть комиссиянь члентэ пурнавкшныть ВЛКСМ-нь райкомс ды ютавтнить заседания, косо сынсь полавтнить эсь роботань опытесть, таргисть асатыкст башка члентнэнь роботаст эйстэ.

Комсомолецтнэнь ды аволь союзной од ломатнень ютксо комиссиянь члентнэ систематически ловныть лекцият эрва кодамо интересной тема лангс. Тумольский ялгась ловнось лекцият «Ули ли паз», «Иначинть происхождениедонзо» ды лия темас. 10-де ламо лекцият ловнось Соколов ялгась ВКП(б)-нь историянь коряс. Сеетьстэ

тейнить докладт ды лекцият Шугаев ды Якушкин ялгатне. 1941 иенть перть районсонть комсомолецтнэ ловнось 48 лекция, конатнень эйстэ колмотне платнойть.

Пропагандань ды агитациянь комиссият инициативанзо коряс те иень февральстэ районной централонть теезь лекторий. Лекторийсэнь лекциятнень ловныть ВЛКСМ-нь райкомонь секретаресь Лосев ялгась, комиссиянь члентэ Соколов ды Шугаев ялгатне, педагогической училищань преподавателесь Горбунов ялгась. Лекторийенть постоянной кунсолыциянзо лововить 150 ломань. Неть ломатне—учреждениянь, предприятиянь ды школань комсомолецт ды аволь союзной од ломать. Сынесть ловнозельть ламо лекцият комсомолонть историйанзо коряс. Лосев ялгась ловнось лекцият: «Од ломатнень коммунистической союзонть зарождениядо», «Комсомолось гражданской войнань шкасто», «Комсомолонть задачанзо ВКП(б)-нь XVIII-це съездынъ ды XVIII-це партийной конференциянь решениятнень топавтмасо». Соколов ялгась ловнось лекцият: «Комсомолось од экономической политикань шкасто», «Комсомолось васенце пятилетней планонь задатнень топавтмасо». Шугаев ялгась ловнось лекция «Комсомолонть рольдензэ II-це пятилетней планонть топавтмасо». Весе неть лекциятнень одломатне кунсолыть покш интерес марто.

Ней лекториясонть колмоксть-нилексть ковозонзо ловныть лекцият воен-

ной пропаганданть коряс.

Пропаганданть лангсо оперативной руководстванть кис первичной комсомольской организациятнесэ комиссиясь организовазэ постоянной активизэ ломаньстэ. Активистнэ—пропагандань коряс внештатной инструкторнэ—кода комиссиянь члентнэяк кемекстазэ определенной комсомольской организациясь. Сынсь лездать организациянь руководителенень пропагандистской роботасонть. Горбунов ялгась, кона ашти пропагандистской комиссиянь активсэнь, сеетьстэ ловны лекцият литературань коряс райцентрань од ломатнень ютксо ды первичной комсомольской организациятнесэ. Активистнэ истя жо роботыть политграмотань кружоктнень проверямонть коряс, лездать комиссиятнень ладамс контроль комсомолецтнэнь самостоятельной тонавтнемаст лангсо.

ВЛКСМ-нь райкомонь пропагандань ды агитациянь коряс комиссиянь роботасо улить ламо асатыкстак. Сех покшось эйстэст се, што ламо комсомолецт те шкас апок анокста ВКП(б)-нь историянь самостоятельна тонавтнемасть. Комиссиянь члентнэнь ламо еще эрви теёмс партиянь XVIII-це конференциянь решениятнень келейстэ толковамосонть. Эрви седе сеетьстэ тейнеме лекцият колхозной производствань экономиканть коряс, агротехнической ды военной пропаганданть коряс.

Я. Сазанов.

ВЛКСМ-нь обкомонь секретарь.

Литературной уголке

Дискуссия сержедема знакто ды творческой методто

Весть ош крайсэ, ушосо,
Цепяв, кстыев кужосо
Пурнавсть эзянь поэтнэ
Пурнавсть тезэнь судямо:
Ки сех мастер складямо,
Сержедемань ладямо,
Кинь сех вадрят моронзо,
Кинь а кирдеме коронзо.
Кие мейсэ славной
Ки поэтэсь главной.

А. Юргай

Ах, тон ёлка, ёлкине...
Ах, тон, тундо, тундыне...
Пизек, пизек, пиземне...
Килейне, тон, килейне...
Ах, тон, биска, кискине,—
Эх, кодамо мазыйне.
Атякшке, тон, атякшке,
Кикирики, атякшке.

П. Кириллов

Междометиятнень ладось
Повелительной формасо,
Штобу гайтесь васов, васов
Риске пачтяволь или радость.
Чарькодеви стихем сякнень,
Ки кантнэ поэтэнь тус.
Кода рангсь Равонь бурлактне?
— У-уск! у-уск! у-уск!!!

Н. Иркаев

Бути мелеть невтеме вий,
Азэ криндявтнесь тон чийть:
Криндявтындерят, ланяк—
Сержедема знак ладяк.
Трынск, брынск!
Кильдимкок!
Гара чии пирюдалга
Нумол прок.
Букась ари:
«Сась саламо,
Нать превензэ
Пек аламо!»
Колхоз садов
Гара—чоп!
Букась воронть
Сеске—чоп!!

Ф. И. Беззубова

Ужодо, ялгат,
Паро оинень,
Евтаса валом,
Моронь ладинень:
Моронь складамо
Эрьвейкесь ёрок—
Ушодынк моронь
Валсо Вай! ды Ох!
— Вай, кулось, кулось,
Примеркс, Прохоров,
Кумбрат эргинеть
Мельганзо кадовсть...

Или истия
Таргинк вайгеленк:
— Ох, тон, ялгинем,
Вася Водясов,
Мекс а марявкшнат?
Ков кекшить васов?

В. Радин

Алкукскак, ялгат,
Те формась паро...
Вана тень ладсо
Сёрмадынь моро:
Вай, народ, народ,
Тон, эзянь народ,
Мон ловнан тонеть
Эсенъ перевод...
Мушкодо стихем
Уш стувтыя мон;
Ки лецти таштонть,
Сенень сельменть—вон!

А. Мартынов

Монь лията валонь кассам,
Мик теньгак чарькодемы массась:
— Лов лопинеть ды валт
Калонь брукт, равжо пор.
Псакань кемть, шичав алт
Ды нартимксень сахор—
Или, ялгай, вана вант,
Максан лия вариант:
Садо, садо,
Минек садов,
Мон тынк туртов улян рад.
Лов лопинеть тынь сезядо
Ды мердадо: те так сад!

Вечканов

Илинк кежень савтне,
Кадынк неть виршатнень,
Стихень сутесь теньсэ—
Невтеме иень шкатнень.
Ве строчкань полатнень.

1. Теле:

Сундерегады. Веленть вельксэс
Ковонь лампа ве лангс поводсь.

Эйкакшт пижнить нармунь кельсэ
Гирикснемстэ. Якстерть, лововт.
Садтнэ нарязазь кумбрасо,
Весь кокеткакс монь лангс варчтась...
Гигань кирьгакс вель кунчкасо
Венствась клубонь радио-мачтась.

2. Тундо:

Сундерегады. Веленть вельксэс
Ковонь лампа ве лангс поводсь.
Эйкакшт пижнить нармунь кельсэ
Ведь холдтнемстэ. Наче ды лововт.
Садтнэ нарязазь кумбрасо...

3. Кизэ:

...Эйкакшт пижнить нармунь кельсэ.
Экшелемстэ. Наче ды чововт.
Садтнэ нарязазь кумбрасо...

4. Сексь:

...Эйкакшт пижнить нармунь кельсэ.
Практичность лопат, теке ловось.
Садтнэ нарязазь кумбрасо...
истя седе тов.

А. Моро

Мон исследовал седеем,
Якинь Африкань звертненень,
Мейсаяк а лисни тедем;
Ды кундынъ покш ломатненень:
«Секс великой Руставели
Моли сёрмав тигра пелев.
Што монськак, Моро, прок лев,—
Кежень савтсизь—порян кев.

П. Любаев

Валк, валдо теште,
Од поэтэнь мештес,
Штобу тия ды сия...
(невти прясто пильге)
Улевель тень счасия.
Тон монь ломанькс ливтимик,
Йотавтыцякс теимик.
Ней мон классик ялгатнень
Лангс аштан азор;
Лермонтовнень пасибя!
Шевченконень поздоров!

К. Демин.

Трудонь покш производительность

Предмайской социалистической сорев-
нованиясонть «Свобода» артеленъ швей-
ной мастерскойсэнь Илюшина, Ерофе-
ева ды Жогина ялгатне добовасть сех
паро показательт. Сынъ чиде чис вель-
кска топавтнить эсь планост, кепедить
продукциянь качестванть.
Апрелень 15-це чисэ 20-це чис эрь-

вась норманзо топавтнить 202 процентс.
Апрелень 20-це чисэ 26-це чис—247,5
процентс. Бороцитъ сень кис, штобу
закрепить эсь успехтнень, седеяк пек
кепедем трудонь производительностень
ды вадрылгавтомс качестванть.

Л. Каменцев.

Чамзинской р-н.

Авиамоделистнень лексэс

Кода теемс парашютонь модель

Эйкакштне ламо марсесь минек
славной парашютистнаде, парашютиз-
манть развитиядо СССР-сэ ды весе мир-
сэ, но аволь эрьва эйкакшось содасы
парашютонть устройстванзо ды а эрь-
вась машты теемс сонзэ моделенть. Па-
рашютось ашти шелконь куполсто, ко-
насонть вере ули варя. Те варянь
лезээ истямо, што сон шождалгавты
вачкодьксэнь парашютонь панжовома
шкасто. Куполось ашти клинеть. Став-
кстнэнь, конат вейсэндить куполонь
клинтнень, мерить радиальнойт. Ра-
диальной ставкстнэс сюлмсевить страпт,
страптнесь жо кемекстави подвесной
системась. Подвесной системась эряви
сень кис, штобу парашютось валгом-
сто кирдевлize парашютистэньт. Ку-
полонь варянь вельксэ ули вытяж-
ной парашютке. Сон эряви парашю-
тонь понжомс.

Парашютонть вадрясто содазь, мож-
на теемс сонзэ моделенть. Тень кис
эряви муемс конёв пангс 50×50 сан-
тиметрань покшолмасо. Сех вадря уле-
вель бу саемс конёв папиросной. Те
конёвонть мездямс кавтов, мейле таго
кавтов ды диагоналень коряс, истямо
жо тев таго теемс теке направления-
сонть. Тень теезь, эряви лепштымс ли-
сезь фигуранть краензэ истя, штобу
содавовольт кикст, конатнень эзга мен-
чезь конёвнесь. Кода прядови те
тевесь, саемс васоньбеельт ды пель
сантиметрань кувалмсо керямс мен-
чезь куполонть пряксензэ. Петнень
эряви ровнымс. Теньсэ прядови ку-
полонь теемась.

Тетькемс куполонть ровно столь
лангс ды кикстнень эйс клеямс суреть
(страпт). Штобу клеязь улевель пар-
сте, саемс 1×1 сантиметрань покшол-
масо конёвне ды сонзэ эйсэ клеямс
куполонть суренть. Кода суретне эрь-
ва ёнов клеязь, алдо сюлмаме сынст
вейс ды поведомс эйзэст кевне.

Нолдамс парашюткенть эряви вана
кода: кевнень тапарямс куполс ды
верде ёртомс коштс. Коштсонть ке-
весь ливти куполстонть ды панжови
куполось. Парашюткесь карми плав-
насто валгомо.

С. Мишин.

Критика ды библиография

„Монь тештем“

(С. Вечканов. Мордгиз, 1940 ие. Питнезэ 30 тр. 52 стр.)

1940 иестэ Мордгизэсь нолдась Вечка-
новонь стихень сборник. Эйсэнь 22
стихотворения. Вечканов ялганть седе
ламо стихензэ посвященнотъ бытовой
темантень, пейзажонтень, кавто стихть
оборонной темантень.

Нетъ стихтнень ванкшномадостикеле
эряви витьсэ меремс, што сон аламо
ней минек колхозной строительстванть.

Ванкшносынек кой-кона стихотворе-
ниянтень. Вана стихесь «Васоло моря
вакссо». Сонзэ эйсэ поэтэсь снартнесь
невтеме васоло моря вакссо минек гра-
ничанть ванстоманзо. Но те можна
арсемс ансяк кой-кона строчкатнень ку-
валма, примеркс:

«Монь радостем кассь ды кассь:
Чистэньт улыннень часовоекс».

Весе стихенть содержаниянзо коряс
жо можна арсемс, што поэтэсь сёрмадсь
пейзаждо стих, но пейзажоськак эзь
невтевт. Кинень чарькодевить истят
таркатне:

«Ютась ламо ялгань кедть,
Кодат псить валдо бокано!
Кода тейтересь турванзо
Навси пси палсеманть медьс».

Мезе жо «ютась ламо ялгань кедть»,
мезенть жо «кодат псить валдо бокано»
— тень содасы ансяк поэтэсь. Лов-
ныцянтень а чарькодеви. Или:

«Косо зардо-бути верь
Эйстэст нолдась самурайтне.
Тень а стувтсынек.—А черь
Прясто правтозь, иль а керь.
Моро, сайт нотанть покш сэрь,
Моравтсынек дачань чайтнень».

Мезде кортыть тесэ валтнэ «А черь
прясто правтозь, иль а керь», сонсь
поэтэськак, паряк, а содасы. Те—ко-
зоньгак а педия пурназь валт.

Те стихенть а педи названиязояк.
Бути стихтэньт ёртомс: «Бухта»,
«Чайкатне», «Моря» ды еще кавто-
колмо валт, то стихентень можна мак-
сомс коть-кодамо названия: «Вирьсэ»,
«Пакьясо», «Пандо прясэ» или кодат-
как лия названия. Седе паро улевель
бу максомс сонензэ названия: «Дачасо
чайде симема». Теде седе парсте кортыть
поэтэнь тавтологиянь коряс сёрмадозь
валонзо: «Моравтсынек дачань чайт-
нень», «Дачатнесэ симсть чай тантей»,
«Дачатнесэ симильт чай».

Эряви меремс, што Вечканов ял-
ганть сеетсэ вастнени тавтология.
Примеркс, еще сайсынек «Ве ды поезд»
стихенть. Тесаяк вастано тавтология:
«Тештне лексиль...»

«Менельс—тештев ковер вень».
Вообще стихтнесэ пек ламо сёрмадозь
менельде, тештнеде, ковдо, чиде, веде,
зорядо. А ламо стихть сборниксэнь,
конатнесэ а вастнени неть валтнэ.

«Теле» стихсэнь поэтэсь снартнесь
невтеме телень пейзаж, но эзь невтев.
Стихсэнь арась конкретизация. Секс
бути:

«Гирикснемстэ. Якстерть, лововт»
строчканть нолдамс, то лиси стих аволь
теледе. «Патрет» стихсэнь сёрмады:
«Валдо принеть састо неждик
лавтовс,

Паламс максят атак пельть»...
Или: «Монь мазыем, тон сех парсте,
Ах, сех парсте кийтат тень».
Нама, киштемаськак вадря тев, но
киштемась ды атак пельть палсемась
еще а невти кодамо портрет.

Ков маштови теке стихсэнь истямо
строчкась: «Ютат клубов. Чинжарамот
калгат». Лиси, што ломатне якситъ
клубов чинжарамонь калгамо? Исти
ли, Вечканов ялгай?

Вечканов ялгась сая кодамож тема,
но стихенть пештасы истят валтнэсэ,
конат а педитькак те стихентень или

сынст можна сёрмадомс коть кодамо на-
званиянь стихс, кочказь теманъ стихен-
тень ладия валт жо сёрмады лиясто
ансяк кавто-колмо. Саемс, примеркс,
«Военной билет» стихенть. Те стихсэнь
военной билетэ сёрмадозь вана мезе:
«Но максозь тень сех покш честь
Военной билетсэньт».

Еще кавто колмо строчкадо башка
весе произведениясь а корты военной
билетэ, корты лиядо, мезде-бути от-
влеченнойде.

Весе те, мезде сёрмадозь вере, ко-
даяк а корты седе, што Вечканов ял-
гась берянь поэт, што сон а машты
сёрмадомс. Арась. Минь невтинек
сетъ асатыкстнень, конатнесэ страдает
сонзэ творчеством. Вечканов ялганть
улитъ аволь берять стихензэ. Саемс
истят стихтнень, кода «Лиза» ды «Ума-
рина». Нетъ произведенийатне сёрмадозь
парсте. Тесэ минь нейдяно вадря, пек
чарькодевикс содержания, вадря озву-
чия, музыкальность. Минек окружает
счастливой, радостной эрямо, лакия со-
циалистической стройка, советской масте-
ронь героической народ, алкуксонь
советской патриот. Вана те эрямонть
эрвияк сёрмадомс правдивостэ, исти
жо мазыйсэ, кода мазы сонсь эрямось.

П. Силантьев.

3-це № ледовой лагерьсэнтъ

Высокоширотной воздушной экспедициянь ледовой лагерьсэнтъ лаки эрямо. Научной роботатне молитъ пек виевстэ.

Экспедициянь весе кемень участниктне ней ветить стака робота самолетонь ливтямонть туртов кинть ваньксавтоманзо коряс, конань лангсо летчикесь Черевичной ялгась арси ливтямс Врангелень островонть лангс.

(ТАСС).

Анокстыть улемс Ворошиловской стрелокосе

Покш Марсеева велень средней школань 12 пионер максить норматнень «Юный Ворошиловский стрелок» значоконть лангс.

Школосонть организовавь физкультурной коллектив.

В. Беляев.

Чамзинской р-н.

Сепи асатыкстнэнь

—Старшей пионервожатойке аравтынек вадря комсомолка, Голубева ялганть. Сон ладизе пионертнэнь ютксо роботанть. Тонавтнема иень васень четвертьстэ тейсь список, козонь сёрмадынзе пионертнэнь фамилияст ды лемест. Эйкакштнэнь явинзе отрядс...—истя ёвтни пионерской роботадонть Пятинской неполной средней школань комсомольской организациянь секретаресь Артюшина ялгась.

Кевкстысьнек Артюшина ялганть, мекс сон сёпи пионерской роботань асатыкстнэнь? Вездь теде башка месть сон ёвтнесь, тосо мезяк арасель теезь. Мик военно-физкультурной соревнованиятнесэ сынст школань пионертнэ эзть прима участия, апак вано сень лангс, што эйкакштнэнь ульнесь покш мелест теэмс те теветь. Теде а корты Артюшина ялгась секс, што сон сонсь как местькак а тейни. Роботань плано арась, успеваемостень ды посещаемостень кис бороцямось апак организова. Сон мик а соды, кодамо успеваемостест комсомолетнэнь колмоце четвертенть перть.

Шка ВЛКСМ-нь райкомонтень явомс мель Артюшинань ды Голубевань роботаст лангс ды кармавтомс сынст тева кундамо.

А. Кузнецова.

Ромодановской р-н.

Кино

„Богдан Хмельницкий“

Панской Польшанть каршо Украинской народонть героической бороцямонь историясонть Запорожской Сечентень ды сонзэ Гетманонтень Богдан Хмельницкойнень посвященной страницатне занить пек покш тарка. Выдающейся национальной героесы Богдан Хмельницкий вельтизе эсь прынзо славасо сеньсэ, што пек стака шкастонть, зардо Украинась ульнесь лепштыз Польшанть гнетонзо ало, сон запорожской казактнень кепединзе Украинской народонь палаттнень каршо, сон вейсэндизе Украинанть великой Русенть марто.

Версьсэ ды сельведсьсэ валнозель Украинась XVII-це пингень ниленьгеменце иетнестэ. Украинетнэ кармасть лоткамо угнетениянь коронть кирдемадо. Стихийна кепетия казакко-крестьянской востаниятнень кежевстэ лепштнесь польской шляхтась. Ламо тыща крестьянт ды казакт ульнесь озавтозь колия лангс, понгавтозь виселицас ды живстэ пултазель толбандя лангс. Кровавой расправанть эйстэ кекшнесь, украинской народось оргодсь Сечев. Но поляктне нареди нардамс моданть лангс Запорожской Сечентькак. Сеченть громамо Посполитой Речень гет-

манось Николай Потоцкий предложил королентень кучомс тей вооруженной отряд эсензэ цёранзо Стефанонь командованиянзо ало.

«Богдан Хмельницкий» фильмась ушодови сеньстэ, кода Запорожской Сечень гетманось пурны эсензэ знамянзо алов украинской народонть Потокоень воинстванзо каршо бороцямс. Сешкастонть, зардо Богдан Хмельницкий пурны казактнень, кияванть, конань кувалт ульнесь стиятнесь виселицат ды колият, уш мольсь Стефан Потокоень войсказо.

Сечсэнтэ уш содасть поляктнень самодост. Лагерьстэнтэ неяви, кода палыть чувтонь вышкатнень прясо олгтне, конань кирвастизь казаккой наблюдательтне. Богдан Хмельницкий ашти эсензэ палаткасонзо ды арси, кода тапамс Потокоень. Сыре казакось Тур, кона эсь эрямонзо перть ламо кенерсь нееме, предлагает Хмельницкойнень истямо план: сон эсь олясонзо понги пленс ды ёвты поляктнень а виде сведеният Запорожьянь войскаднеде. Гетманось а сразу поддызе сонзэ. Гетманонть арась мелезэ ёмавомс Туронь эрямонзо. Но, омбоце ёндо, сыре каза-

кось ёвтась вадря мель. Те—самая те хитростесь, конань эйс понги врагось. Тур примасынзе хоть кодамо муцямонень, но эсь валонзо а полавтсы,—тень эйс гетманось кеми. Ансяк пек жаль сонензэ Тур—пек уш сон вадря казакось. Муцясызь сонзэ ляхтне.

Пек покш драматизма марто теезь Тур марто простямось, кона кулось героически. Богдан Хмельницкий каясь эсензэ шапказонзо коморо мода, бережна кандызе сонзэ казаконть теланзо вакссы ды кайзе сонзэ мештензэ лангс. Сонзэ мельга теить истя лия казактнеяк. Ды Туронь калмозо теесь истямокс, што сонзэ лангс кайсь покш пандо.

Замечательной посолтнэнь примамонь сценась, зардо Польшань представителесь шнамосо ды грозямосо снартнесь саемс эсь ёнонзо Богдан Хмельницкоень. Гетманось, кона ульнесь вернойке Московонть марто дружбанть, кона дружбастонть сон несъ спасения Украинанть, яволятьсь, што сон карми улеми вернойке эсензэ братонтень—великой русской народонтень.

Советской кинематографиясь сюпалгась еще вейке пек вадря фильмасо, кона сови минек исторической сехте вадря кинопроизведениятнень золотой фондс.



Саранской МТМ-нь слесаресь И. Бурнаев комсомоленсь «ЧТЗ» тракторонть туртов поршневои кольцачнень витнеманть коряс производственной заданиянзо эрва чистэ тонавтни 140 процентс.

СНИМКАСОНТЬ: Бурнаев ялгась роботамо шкасто.

Фотось А. Канифатьевень.

Комсомолетнэ ветить агитационной робота колхозниктнэнь ютксо

Ельниковской районь комсомолетнэ эрва колхозсонть, бригадасонть толковить партиянь ды правительствань постановленийанть «Мордовской АССР-ганть велень хозяйствань культуратнень урожайностень ды животноводствань продуктивностень кепедмаст кис колхозниктнэнь трудост до-полнительной пандоманонть. Зарья интересной беседат ютавтсть Ст. Девиченской средней школань комсомолетнэ Щиколоткина, Добров ды Голенкова.

Беседатнесэ колхозниктне примасть активной участия, эсь кортнемасост таргаст лангс ламо асатыкет колхозной производствасто.

«Большевик» колхозсонть колхозниктнэнь трудост дополнительной пандоманонть ютавтсь беседа учительнипасы Л. Ф. Шитова. Кунсолыцятне ёвтась питней предложений велень хозяйствань культуратнень урожайностень ды животноводствань продуктивностень кепедмаст коряс.

П. Киняев.

Европасо ды Африкасо войнась

(Апрелень 26-це ды 27-це
читнестэ военной
действиятнень дневник)

Германской информациионной бюрось пачти, што германской войскатне, конат оперировить Грециясо, апрелень 27-це чинь валске пачкодсть Афинэв. Апрельень 26-це чистэ германской парашютной десантнэ саизь Коринфской перешейканть ды истяжо Коринф ошонть. Вейке полкось, кона ютась Патрской залиVENTь трокс, совась Пеллопонес полуостровонь территориянть лангс ды саизе Патры портовой ошонть. Саезь пленс пек ламо англичант.

Американской печатесь пачти Грециясто английской войскатнень эвакуациядонть. «Нью-Йорк таймс» газетась невтни, што седе ламо английской войскатне ды военной снаряжениясь Грециясто эвакуировавь Северной Африкав.

Средиземной морянь восточной пельксэнтэ английской судоходстванть каршо германо-итальянской авиациянть действиянзо седеак яла пек виевгалить. Германской информациионной бюронть сообщениянзо коряс, греческой ведтнесэ вавтозъ 17 ды колазъ 27 английской пароход.

Англо-германской фронтсонть тешкстневи воювция ёнкстнэнь авиациянть кой-кодамо активностезь. Апрельень 26-це чинь каршо вестэнт германской самолетнэ бомбардировизь Сандерленд портовой ошонть. Омбоце вестэнт бомбардировавь Ливерпульсэ, ды истяжо портнэ, конат аштит Англиянь южной ды восточной побережьясонть.

Английской военно-воздушной вийтне апрелень 26-це чинь каршо вестэнт тейсть налетт Берлинэнтэ, Килентэ, Вильгельмсхафенэнтэ, Эмденэнтэ ды Любекэнтэ лангс. Апрельень 27-це чинь каршо вестэнт ульнесь атаконь Эмденэсь, Бремерхафенэсь, Куксхафенэсь, Гаврось, Эймейденэсь. Теде башка ульнесь бомбардировавь Норвегиясо аэродромтне.

Северной Африкасо, Тобруконь районсонть англичантнэ снартнесть теэмс вылазкат, но, германской сообщениятнень коряс, сынэ ульнест аволь удачнойть. Капуццо—Соллумонь районсонть германской войскатне вастызь англичанонь частнень ды панизь сынст юг ёнов.

Абиссиниясо (Восточной Африка) южно-африканской войскатне, конат панить итальянецтнэнь, аштит зарья километрань таркасо Десси ошонть эйстэ. (Аддис-Абебанть эйстэ северо-восток ёно).

(ТАСС).

Германской бюллетенесь Германиянть кедьс иностранный суднатнень захваттонть

«Динст аус Дейчланд» германской бюллетенесь пачти, што германской военно-морской вийтне войнанть ушодомстонзо саезь захватясть гаваньтнесэ ды открытой ведтнесэ 872 иностранной судна 1,9 миллион брутто-регистравой тонна общей тоннажсо.

(ТАСС).

Ответ. редакторось А. ЩЕГЛОВ.